

游兜率巖記

宋謝巖

曹成旣陷安仁柳桂雲擾予從巖君命徙家於資興暇日接士人黃世工始知寓舍不遠有兜率巖者神工鬼迹莫之與並乃拉三弟爲世外游但江天久陰阻於寒冽日望靈雲以定行李信宿間欸延慶寺因割松膏數百纒爲炬火用蓋聞巖中晝晦故也是晚重霄開爽氣候可人遂戒僕史暨雞聲欲窮林色將瑩各攜九節噉粥而行自市尾呼小舟絕漾輕波已遠平地凡十五里至鐵坑遙望巖穴不隔尋丈由山脚百步抵僧德明所居庵舍雖小具合法界背疊林莽面列溪澗幽禽巧轉人聲竄絕迤邐登山磴道盤折雲根鳥徑陟降之間勢若霄壤初得一

道藏輯要

天下名山記
湖廣游兜率宋

矣

軫集三
又三

洞容數十人爲窾穴甚細過是幾半里巖局恍然天降地湧驚異滋至挺身入巖已覺溫鬱眾議褫去層錦衣袂然炬以進地勢漸下西行一食頃回視金剛力士形若錐刻夾路祥雲作陣不容履鳥薄而視之咸乳石也又西得老君像一軀巖東屑累之上有埤堵坡直抵巖頂望不可極西邁覩帳幄高百尺如猛風所吹聚皺成疊其中一疊叩之清鳴非鼓可比傍則玉池瑩徹甘冷倍常路盡始出間道尋之數桂矗立端正可愛地廣石平過於甃砌云法筵四開無有褊隘回而北趨嶙峋細碎若荔枝者若楊梅者若菌蕈者若餅餌者若搭袈衣服者若飛簷冰雪者凡此類物象千品心目俱疑自北而東樓臺參錯人鬼髣

鬚帷中之菩薩雲際之如來金壁爛熳龍蛇蜿蜒瓔珞盆盃百
千萬億奇花異木所至森然凡五易其處從東際復欲東游回
游告以峭險須露頂裸袒乃可深入時筋力已乏乃益明燭幽
之具匍匐偃僕至於扶攜出俟日晷已轉午矣大抵自巖口以
至深遠羣石縱橫曲折四維上下皆鍾乳滴瀝凝結而成不留
纖隙玲瓏穿虛左右逢源洞口輝映入之迷人或乘空下垂或
從地突起飛走生植屋宇雲霧器皿世之所有無一闕者色多
黃白罕有青碧比倣人工加以奇麗乳新體潤則畫臺堆蠟含
光散射則火出微鑽珠幡舍利種種莊嚴與觀兜率綿界等無
有一巖覽夫載籍石之特出者古今記錄往往過實已見者竭
道藏輯要

天下名山記
湖廣游兜率宋

全 軫集三
川 X X

於咨嗟未見者發於夢想彼一端之善尙爾是巖兼善而有餘
宜如之九華爲天地間尤物豈惟浪得名耶說者顧未見資興
之巖耳予伯仲歸索懷袖得小石之佳者以千百計置諸几席
以追配事怪石供之萬一云